

محل اداره سی

باب عالی جوارنده ابو.
السعود جاده سنده محمود بك
مطبعه سیدر.

امور اداره ایچون محمد رضا
افندی به امور تحریر به ایچون
اذمیدل محمد صبی بکه
مرا جعت اولمیدر درج اولمیان
اوراق اعاده اولماز .
اداره خانه جمعه دن ماعدا
هر کون آجقندر .

سَمْعَةُ مَالِكِ بْنِ خَنْزَرٍ

سراط استرا

ولایاتده و درسعادته محل
اقامتربنه کوندربك اوزره
سنه لکی ۷۰ اتی ایلنی ۴۰
غروشه در اداره خانه دن
التقی اوزره سنه لکی ۵۰
اتی ایلنی ۳۰ غروشه در.
آبونه لر سنه ابتدا سنندن
یعنی الی او پنجی نومرو دن
اعتباراً بر سنه لك و یا خودالتی
آتی اوله رق قید اولنور.


مقالات علمیه و فنیة نك واسطه انتشاری ، كلزار ادبیاتك تجلیطه آثاربر

Directeur Mehmed Riza

مدیری: محمد رضا

نومرو ۹۴

نسخه سی ۵ پاره بدر



قونیه ده شیخ صدرالدین جامی و تربیه سی

و یوم انتشارندن بر قاج کون صکره او قودم حسین موجی بک بو خصوصه محرز قصب السبق اولدق لیچون شایان تبریک عظیمدر لر میانه مزده شو صورته انعقاد اید بیورن — و محض اثر تعارف ازلی اولان — بوقرابت حسیاتدر که بومقاله عاجزی بی ده رسمی غزیه به درج ایتدیرمک، ایچون بر سائق بر مرجع اولدی فقط کوکم ولد بهایی افندی حضرتلرینک مدافع لرینی ده کورمک استردی .

فاتح درس عاملرندن

مصطفی صبری

تفکر

جناب حقک، بنی بشره انعام ایلدیکی قوه مفکره، برلمه جواله نافذه در که انسان بو خصیصه جلیله بی ترتیب اقیسه اساسنه مراعات ایله اعمال ایلر سه نتایج حقیقیه بی استحصال ایدر .

انسانک، سعادات صوریه و معنویه سنی مؤدی اوله جق اسبابک استکمالی، فیافی قدرته جلوه کر اولان مصنوعات بدیعه بی انتها اوزرنده معتبرانه نظر لر اعمالی، تحریرات وجدانیه نک ماضی دینیلن ظلمت آبادانمنتهای طوضری تعمق ایدرک روحک بر طاقم عوالم علویه به اتصالی، قلبک هوا جس ماضیه ایله حسبجالی، دائماً قوه مفکره به عرض احتیاج ایلر .

سموانده موجود و مرئی اولان محیر المعقول بونجه کرات مضینه، بونجه آیات صمدانیه به عبرت گیرانه ایصال انظار انجق تفکر ایله حصوله کلیر .

کره ارضده مندیج اولان بوقدر بینات ابداع، بوقدر آثار حکمت حقنده اعمال نظر انجق تدبر ایله وجود بولور .

پیشکاهمزده، کندیسنی دائماً انظار استحسنانه مرض ایدوب طوران بونجه مائر بشریه آثار کزیده افکار دکلیدر ؟

سلسله موجوداتک، تحدثات کونیه و انقلابات دهریه نک صور خارجیه سیله اوغراشورق، بوقدر کلیات و مفصلاقی بر برینه تطبیق ایدرک روحی، مبدأ فیضه، مسبب بکانه لازالی به انتقال ایتدیرن تفکر دیدیکمز نور مبین دکلیدر ؟

انسان، بر عالم تهائیده سکون تام ایله علائق و عواثقندن تجرد ایدرک دریای نامنهای تفکره طالعجه قارشیشنده نیجه فراند بی بدل، نیجه بدایع و عبر جلوه نما اولور .

انسان، نفسی بیلیمک، ملکوت وجود نده کی تصرفات الهیه دن خیر اولوق خصوصنده دخی، فکره دینیلان بیت نورک فیض ارشادیه احرازه موفقیت ایلر .

دنیا به کلکدن مقصد، « معرفه الله » ی تحصیل ایتکدر، بو مقصدک حصولی ایسه انجق تفکرات بمدیده، تدبرات مستمره تأمین ایلر .

اذا المرء کانت له فکره

ففي كل شئ له عبره

تفکر، حقیقه ندیم روح، قلب ایچون باعث فیض فنو حدر .

انسانک، هنیکام وحدتنده خیالنه طالمسی، روحیه سولشمسی نه طاتلی عالمدر ؟ عاقل، نور چشم بصیرتی هر هانکی بر صحیفه قدرته، هر هانکی بر بدیعه فطرته اماله ایتسه اورادن بر نصیب عبرته نائل اولدقجه نظرینی کری آله مز .

جناب واجب الوجودک، شوعالم شهوده وضع ایتدیکی انتظام و له رسانه عطف انظار ابتصار ایدن بر حکیم، بو تبتعائنده بولدیغی ذوق روحانی بی هیچ برشیده بوله مز .

جناب حق، قرآن کریمک مواضع عدیده سنده تفکر و تدبر له امر ایدییور، متفکرینی ثنا ایلایور .

ذات الهی بی، پیغمبری لال ایدن حقیقی تفکر، بزم اقتدار منک خارجنده اولدیغندن خواجه دوسرا علیه اکمل التحایا افندمن حضرتلری، بوجهتی نبی بیوره رق مخلوقات الهیه حقنده تفکری امر بیورمشلردر . ابو سعید الحدری « رضی الله عنه »

حضرتلرندن روایت اولیسورکه : حضرت فخر عالم، (کوزلریکزر عبادتدن اولان نصیبی و بریکز) بیورمشلر، اصحاب کرام : (کوزلرک عبادتدن اولان نصیبی ندر) دیه سؤال ایدنجه نبی ذیشان افندمن حضرتلری، جواباً (مصحفه نظر ایتک، آیاتنده تفکر ایلیمک، عجائبندن عبرت آلمقد) بیورمشلر .

« ان فی خلق السموات آیت کریمه سی نازل اولدیغی کیجه حضرت حکیم کائنات، بکا ایلمشلر و صلا صبحی ایدان ایچون نزد رسالتناهیله کله کلن بلال (رضی الله عنه) . آیت نازله بی تلاوت بیوردقندن صکره (شو آتی او قویوبده حقنده تفکرده بولغیان کیمسه یازیق) بیورمشلردر . بعض اکابر اسلامک تفکر حقنده کی سانجانی بوجه آیدر :

بر ساعت تفکر، بر کیجه قائم اولمقدن خیر لیدر . (حسن)

فکر — سکا، حسنات و سیئاتکی کوستر بر آینه در . (فضیل)

تفکر، عقلک اوزیدر (ابراهیم) آدمک، حکمت اولمیان کلامی لغو، تفکر اولمیان سکوتی سهو، جالب عبرت اولمیان نظری لهودر . (حسن)

نعم الهیه حقنده تفکر، اک فضیلتی عبادتدر . (عمر بن عبدالعزیز)

کوزلریکزه بکایی، قلبلریکزه تفکری عادت ایتدیریکز . (ابوسلیمان)

امر خیر حقنده تفکر، اوخیری ایشلمکه بادی اولور . شردن نادم اولوق، آتی ترک ایتکی موجب اولور .

(ابن عباس)

کلامده، سکوتدن — استنباطده، فکردن استعانه ایلکز

(امام شافعی)

بناءً علی هذا، بومالده انسان ایچون اک مقدس بر وظیفه، مالک اولدیغی قوه

مفكره يي مصنوعات الهيه حقنده اعمالدن
خالى قلاماق، مقصداقصى اولان (معرفة الله) .
موصل اوله جق منهاج تدردن بر لحظه دور
اولماقدرد .

مسين موي

مشاهير عثمانيه

— مابعد —

(سري پاشا) مرحومك (زوراء)

غزته سنه يازدقلى مقاله :

نصل اسف اولنسون

نصل اسف اولنسون كه استاد كل نام
معالي اسميله ياد اولمغه اليق واحق اولان
مفتي بغداد (زهاوى محمد فيضى) افندى
ترك دغدغه قيل وقال وداربقايه انتقال ايله
دارالفنون عالمى وجود شريفندن خالى
براقدى . وجودى عموم ايجون مدار افتخار
وعلم وادبك نمونه ذى روحى دينمكه سزاوار
اولان بويله برذات جليل القدركه غيوت
ابديه سنه نصل اسف اولنسون .

زهاوى افندى بر استعداد خارق العاده
ايله يارادلىش بر نادره زمان ، همان عرفان
ايدى . زهاوى افندى هر انسان كاملى
زينت دار ايدن نيجه فضائلى حائز ، بالذات
وبالواسطه يتشديدركى علمى اعلامك
عددى ايكي بيكي متجاوز برنجريرى نظير ،
برير روشن ضمير ايدى .

اويله بر كنجه عظم و هيك ضياعنه هر
مسلمان ، بلكه هر صاحب فضل و عرفان
كريان اولسه كر كدر . فاضل مشاراليه
اولا علوم مدونه متعارفنه قسم اعظمى
والد ماجد لرندن اخذ و اقتباس ايله آنك
وفاتندن صكره ده يكرمى ياشنده ايكن
(نجل الزكى) دينمكه معروف اولان
(ساوجبلاغى ملا محمد) افندي دن اجازت نامه

آلهرق مشار بالبنان اولمشدى . بر عصره
قدر امتداد ايدن مدت عمرينك صوك نفسنه
قدر تعليم و تدريس دن خالى قالمدى . مرحوم ،
حلال عويصات علوم ايدى . انفس قدسيه
لرندن اقتباس فيض عرفان ايله اجازت نامه
اخذيجون تاهندستان كي اقاصى ممالك
وبلدان دن بيله كنديس نه مراجعت ايدنلر
كثير ايدى . فضائل مكتسبه دن ماعدا خلقه
حائز اولدينى علويت طبع ، زانت رأى ،
اصابت ظن ، حدت ذكا ، خلوص نيت ،
حسن طبيعت مثلاو خصائل بر كزیده نك
هر برى حضرت استادك عظمت قدرينه ،
علوشانه بر برهان منير ايدى .

هله سرعت انتقال ايله برابر قوه حافظه سى
حقيقه هر كسه ميسر اوليان خصائص
جليله دن ايدى . بر كره كوز كزديرمكه
ويا ايشتمكه كنجه عظم حافظه سنه آلمش اولدينى
جواهر زواهر الفاظ و عباراتى اوتوز قرق
سنه صكره حرفيا تكرار ايديه بيلمك كي
بك چوق خوارق و بدايع طبيعتك ، علو
فطرتك مظهرى ايدى كه بومزيات عاليه نك
هر برى استعداد كمال و كمال استعداد ايله
مفتطور اولديقه دليل بي عديلدر . فنى ، ادبى ،
سياسى هر مبحث اوزرينه مقسامه مناسب
حكيمانه مقاله لر ايراد ، السنه مختلفه اوزره
ارتجالا بليغ شعرلر انشاد ايلمك مرحوم
مشاراليه محبوب قلوب ايليان مواهب
الهيده دن ايدى .

اوتوز سكر سنه دوام ايدن مدت اقتاسى
زمانده هيچ بر كيمس يي رنجيده ايتماسى ده
حكمت اداره يه كمال و قوقسه دلالت ايدن
احوال دن اولمغه (زهاوى) نامى بتون
ملت اسلام نه قدر تقديس ايتسه سزادر .
ايمدى زهاوى دينلر ايله برا حسان سماوينك
فوتنه كيم تأسف ايتمز ...

جد اعلاسى (حسن) بكك بر مدت
(زهاو) ده آرام كزين اولمى والدة

مكر ماري نك (زهاو) امراسندن بر ذاتك
كريمسى بولمى زهاوى نسبتبه سبب اولمشدر .
يوقسه كنديسى الك اول (بابا امير سايمان)
غنوايله معنون اولمغه فامليالرى (بابان)
تسميه اولان سايمان پاشانك احفادن دن (مير
احمد بن حسن بك بن رستم بك بن خسرو
بك بن امير سايمانك اوغلى) اولوب نفس
سليانيه ده همد آراى شهود اولمشدر . نسب
شريفلى سيف جهاد ايله دائره اسلامى
توسيع ايدن خالدين الوليد رضى الله تعالى
عنه) حضرتلرينه منتهى اولور ،

سايمانيه و كر كوكده بر مدت تدريس
ايله اشتغال ايدوب مؤخرأ (على رضا)
پاشانك بغداد واليكى زمانده صيت فضل
و كمالى كنديسى مدينه دارالسلامه چكوب
كتور مشدر . بغدادى تشريفى تاريخى لفظلا
ومعنا مابين اولان (هزار و دويست و پنجاه
وهفت) مصرعى كندى لسان عرفان
بيانندن صادر اولمش نوادر ادبدنر . مقام
اقتايه شريفخش اولمى مرحوم (كوزلكلى
رشيد پاشا) نك زمانه مصادفدر . او وقتدن
بوسنه يه قدر اول مسند جليلك حقيقى و ير مش
ونام جليانى بو سبيله ده دفتر اعظامك الك
بارلاق صحيفه لرينه چكور مشدر . نهايت شهر
حال هر ينك اوچنچى اتنين كيجه سى ساعت
التي راده لرنده ايدى كه صرغ روح بر قوشى
شهر كشاي اوج غلين اولمغه بالمله محبان
علم و معرفتى و شرفداران عالم انسانيتى
داغدار تأسف ايلدى ...

(رحمة الله عليه رحمة واسعة)

صاحب استياري : كتابچى قره بت